

आकाशवाणी

1. इसरो नै श्री हरिकोटा थमां एनवीएस-02 दा प्रक्षेपण कीता। एह इसरो दा 100मां ऐतिहासिक प्रक्षेपण ऐ।
2. बीटिंग रिट्रीट समारोह अज्ज नमीं दिल्ली देद विजय चौक च आयोजित कीता जाग।
3. चुनाव आयोग नै अरविंद केजरीवाल होरें गी यमुना नदी पर कीती गेदी उंदी टिप्पणी दे सरबंध्यै च नोटिस जारी कीता ऐ।
4. प्रयागराज च मौनी मस्या पर महाकुम्भ दा दुआ अमृत स्नान चला'रदा ऐ।
5. भारत नै कनाडा च कथित हस्तक्षेप दा आरोप लाने आहली कनाडाई आयोग दी रिपोर्ट दा खंडन कीता ऐ।
6. ते भारत दे तेज गेंदबाज बुमराह गी प्रतिष्ठित सर गीरफील्ड सोबर्स ट्रफी कन्नै सम्मानित कीता जाग।

<><><><><><>

ISRO

भारतीय अंतरिक्ष अनुसंधान संगठन- इसरो नै अज्ज आंध्र प्रदेश दे श्रीहरिकोटा थमां दूई पीढ़ी दे नेविगेशन सैटेलाइट एन.वी.एस.-02 दा सफल प्रक्षेपण कीता। इसी बडलै 6 बज्जिए 23 मिनट पर जी.एस.एल.वी.-एफ-15 प्रक्षेपण यान थमां छोड़ा गया। सतीश धवन अंतरिक्ष केन्द्र सोयां एह इसरो दा सौंमां ऐतिहासिक प्रक्षेपण ऐ। एनवीएस-02 उपग्रह, भारतीय नक्षत्र प्रणाली कन्नै दूई पीढ़ी दे नेविगेशन दा हिस्सा ऐ, जेडी भारत दी स्वतंत्र क्षेत्रीय नेविगेशन उपग्रह प्रणाली

ऐ, जिसी भारत च इस्तेमाल करने दे कन्नो-कन्नी भारतीय भूभाग थमां लगभग डे॥ हजार किलोमीटर अगगे तकर फैले दे क्षेत्र दी सटीक स्थिति, वेग ते समय सेवा प्रदान करने आस्तै डिज़ाइन कीता गया ऐ।

<><><><><><>

Beating Retreat Ceremony

बीटिंग रिट्रीट समारोह अज्ज नमीं दिल्ली दे विजय चौक च आयोजित कीता जाग। समारोह च राष्ट्रपति द्रोपदी मुर्मू, उपराष्ट्रपति जगदीप धनखड़, प्रधानमंत्री नरेंद्र मोदी, रक्षा मंत्री राजनाथ सिंह ते होर केंद्री मंत्री शामिल होडन। इस बरे बीटिंग रिट्रीट समारोह च कुल 30 प्रस्तुतियां सेना, नौसेना, वायु सेना ते केंद्री हथेयारबंद बलें दे बैंड दे संगीत कन्नै दर्शकें गी मोहित करंगन।

<><><><><><>

Beating Retreat Traffic

दिल्ली पुलिस नै बीटिंग रिट्रीट समारोह दे मददेनजर ट्रैफिक दे विस्तृत इंतजाम कीते देन। ट्रैफिक पुलिस आसेआ सलाह जारी कीती गई ऐ जे विजय चौक अज्ज दपैहरी 2 बजे शा रातीं साइडे 9 बजे तकर आम यातायात लेई बंद रौहग। कृषि भवन ते सुनहरी मस्जिद थमां विजय चौक आहली बक्खी रायसीना रोड पर कुसै बी चाल्ली दी ट्रैफिक दी अनुमति नेई होग।

<><><><><><>

Yumana-Kejriwal

चुनाव आयोग नै आम आदमी पार्टी दे संयोजक अरविंद केजरीवाल होरें गी यमुना नदी पर कीती गेदी उनदी टिप्पणी दे सरबंथै च भाजपा ते कांग्रेस आस्सेआ दर्ज कीती गेदी शिकायत पर नोटिस जारी कीता ऐ। केजरीवाल होरें इक इन्टरव्यू च आरोप लाया हा जे यमुना नदी गी जहरीला बनाई दिता गया ऐ। आयोग नै केजरीवाल थमां कल संजा 8 बजे तकर तत्थें कन्नै शिकायतें पर जवाब मंगेआ ऐ। आयोग नै एह बी आक्खेआ ऐ जे उनें दिल्ली जल बोर्ड दी

रिपोर्ट गी पढ़ेआ ऐ, जिसदे च यमुना च कुसै बी चाल्ली दे जहर दा जिक्र नेई ऐ।

<><><><><><>

Delhi Election Campaign

दिल्ली च विधानसभा चुनाव आस्तै प्रचार तेजी पकड़ा र'दा ऐ। 5 फरवरी गी उत्थे वोट पाए जाने न। एह दिन जियां जियां नेडे आवा र'दा ऐ उयां गै सारी प्रमुख राजनीतिक पार्टिएं दे नेता प्रचार च जी-जान कन्ने लग्गी गए न। भाजपा, आम आदमी पार्टी ते कांग्रेस दे प्रमुख नेता रैलियां ते रोड-शो थमां लेईऐ घर-घर जाईऐ भी प्रचार करा र दे न। प्रधानमंत्री नरेन्द्र मोदी अज्ज शाहदरा विधानसभा क्षेत्र दे करतार नगर च रैली करी सकदे न। दूई पैठा आम आदमी पार्टी दे राष्ट्रीय संयोजक ते साबका मुख्यमंत्री अरविंद केजरीवाल अज्ज संजा बादली ते तिमारपुर विधानसभा क्षेत्र च जन-सभाएं गी सम्बोधित करडन। इस्से दौरान, कांग्रेस दे वरिष्ठ नेता जयराम रमेश ते देवेन्द्र यादव हुन्दा अज्ज पार्टी दा चुनावी घोषणा पत्र जारी करने दा कार्यक्रम ऐ।

<><><><><><>

PM-National Games

प्रधानमंत्री नरेंद्र मोदी होरें कल संझा उत्तराखंड दी राजधानी दहरादून च 38में राष्ट्र खइठें दा उद्घाटन कीता। दश भरै द एथलीटें इस ़रड च हिस्सा लैता जव च एकता त खइठें लई अ न जजब दा प्रदर्शन कीता गझा। राष्ट्री खइठें दी मशाल तजस्वनी गी प्रधानमंत्री नरेंद्रमोदी होरें गी ओलंपियन लक्ष्य सन्ना होरें भेंट कीती। प्रधानमंत्री मोदी होरें अ न संबोधन च आखझा ज दबभूमि उत्तराखंड च राष्ट्री खइठें दा उद्घाटन करना उन्द आस्तै गौस आहली गल्ल ऐ। उनें एह बी आखझा ज एह राज्य आस्तै ऐतिहासिक त दैव्य क्षण ऐ। उनें इस गल्ला उपर जोर भरझा ज इनें राष्ट्र खइठें दा आयोजन ग्रीन गझस दा तौर उपर कीता जा'रदा ऐ।

<><><><><><><>

Second Amrit Snaan

प्रयागराज च मौनी अमावस्या पर महाकुंभ दा दूआ अमृत स्नान चला र'दा ऐ। मौनी अमावस्या दा धार्मिक दृष्टि कन्नै खास महत्व ऐ ते इस दिन पर अमृत स्नान बडा मता पावन मन्नेआ जन्दा ऐ। देश विदेशें सोयां बड़ी मती गिनतरी च श्रद्धालु इस मौके पर त्रिवेणी च डुबकी ला र दे न। महाकुंभ मेला दुनिया दा सब्बनें थवा बड्डा धार्मिक समागम ऐ। 13 जनवरी सोयां शुरू होए दे महाकुंभ मेले च पैहला अमृत स्नान मकर संक्रान्ति पर 14 जनवरी गी होआ हा।

<><><><><><><>

Foreign Ministry Canada

भारत नै कनाडा च कथित हस्तक्षेप दा आरोप लाने आहली कनाडाई आयोग दी रिपोर्ट दा खंडन कीता ऐ। विदेश मंत्रालय नै इने आरोपें गी सिरे सोयां खारिज करदे होई आक्खेआ ऐ जे असलियत एह ऐ जे कनाडा, भारत दे आंतरिक मामलें च लगातार दसखल करदा रेआ ऐ। ऐसे दखल कन्नै गै कनाडा च अवैध प्रवासन ते भारत खिलाफ संगठित आपराधिक गतिविधियें दा माहौल बनेआ ऐ। भारत पर आरोप लाने आहली रिपोर्ट गी खारिज करदे होई विदेश मंत्रालय नै आक्खेआ जे अवैध प्रवासन गी बऱावा देने आहली व्यवस्था दा कुसै बी चाल्ली दा समर्थन नेई कीता जाग।

<><><><><><><>

Bumrah Best Cricketer

भारत दे तेज गेंदबाज जसप्रीत बुमराह गी प्रतिष्ठित सर गारफील्ड सोबर्स ट्रॉफी कन्नै सम्मानित कीता जाग।। बुमराह गी क्रिकेट दे सारे प्रारूप च असाधारण प्रदर्शन आस्तै बरे 2024 आस्तै आई.सी.सी. दा श्रेष्ठ पुरुष क्रिकेट खडारी चुनेआ गेया ऐ। एह पुरस्कार हासिल करने आहले बुमराह भारत दे पैहले तेज गेंदबाज न। इसदे थवा पैहले, राहुल द्रविड, सचिन तेन्दुलकर, रविचन्द्रन अश्विन ते विराट कोहली गी एह पुरस्कार हासिल होई चुके दा ऐ।

<><><><><><>

Cricket

इंग्लैंड नै त्रिए टी-ट्वेंटी अंतरराष्ट्रीय क्रिकेट मैच च भारत गी 26 रन कन्ने हराई दिता ऐ। कल संज्रा गुजरात च राजकोट दे निरंजन शाह स्टेडियम च इंग्लैंड नै 9 विकेटे पर 171 रन बनाए। भारत दी टीम तय बी ओवरें च नौ विकेट पर 145 रन गै बनाई सकी। इस हार दे बावजूद भारत 5 मैचें दी श्रृंखला च दो-एक कन्ने अगगे ऐ। चौथा मैच शुक्रवार गी महाराष्ट्र दे पुणे च खेडेआ जाग।

<><><><><><>

All Party Meet

सरकार नै संसद दे बजट सत्र सोयां पैहले कल सर्वदलीय बैठक सद्दी। बजट सत्र शुक्रवार सोयां शुरू होग। शनिवार गी वित्त मंत्री निर्मला सीतारामन संसद च माली बरे 2025-26 आस्तै केन्द्रीय बजट पेश करडन।

<><><><><><>

Punjab Athavle

सामाजिक न्यास ते अधिकारिता राज्यमंत्री रामदास अठावले होर अमृतसर जा'रदे न। ओह 26 जनवरी गी डॉ. बाबा साहेब भीमराव अम्बेडकर हुंदी प्रतिमा गी होए दे नुकसान दा जायजा लैडन। इस घटना मगरा बक्ख-बक्ख संगठनें कल पंजाब बंद रक्खेआ। भाजपा नेताएं ते केई जिले दी मंडी समितिएं बी बंद दा समर्थन कीता। बंद शांतिपूर्ण रेआ। प्रतिमा गी नुकसान पजाने आहले लोकें गी गिरफ्तार करियै पुलस नै हिरासत च लेई लैता ऐ। इस घटना मगरा बक्ख-बक्ख राजनीतिक दलें दे नेताएं राज्य दी मौजूदा कनून बवस्था पर चिंता जाहिर कीती ऐ।

<><><><><><>

IMD

मौसम विभाग नै अज्ज उत्तराखण्ड, पंजाब, हरियाणा, चंडीगढ़, पश्चिम बंगाल दे पर्वतीय क्षेत्र ते सिक्किम च घना कोहरा छाए रौहने दा अनुमान जाहिर कीता ऐ। उत्तर प्रदेश, पश्चिम बंगाल दे गांगेय क्षेत्र, तटीय ओडिशा ते बिहार च अगले दो-त्रै दिन तगर टामी टामी थाहरें पर घना कोहरा छाए दा रहौंग। अरुणाचल प्रदेश, असम ते मेघालय च अगले दो दिन गरज कन्नै सामान्य बरखा होई सकदी ऐ। उत्तर-पश्चिम, मध्य ते पूर्वी भारत च अगले चार दिन दौरान तापमान दो सोयां चार डिग्री सेल्सियस बदी सकदा ऐ।

<><><><><><>